

ՎԱՀԱՆ ԹՈԹՈՎԵՆՑԸ ԱՆԴՐԱՆԻԿԻ ՄԱՍԻՆ

Պատմ. գիտ. դոկտոր Ա. Ա. ԽԱՌԱՏՅԱՆ

Հայ ազգային հերոս, զորավար Անդրանիկի մասին ստեղծվել է բավականաչափ պատկանելի գրականություն՝ գրքեր, գրքույկներ, ամսագրային ու լրագրային ռազմաթիվ հոդվածներ, հուշեր, հրապարակումներ և այլն։ Դրանց մեջ առանձնահատուկ տեղ ունի Վահան Թոթովենցի՝ Արսեն Մարմարյան ստուգադրությամբ հրատարակված «Զոր. Անդրանիկ և իր պատերազմները» (Կ. Պոլիս, 1920) գիրքը¹։

Հեղինակն իր գիրքը գրել է նպատակի շատ որոշակի գիտակցությամբ, որ և էություն է նրա «նախամուտից»։ «Գնահատումի՛ վերաշինության, բարոյական խոշոր արժեքներու վերհանման այս օրերուն արժե տալ զոր. Անդրանիկի պատերազմներու պատմությունը»,—գրում է նա։—Մենք շատ քիչ բան գիտենք Անդրանիկի կանուխ կյանքի մանրամասնությունն, ինք պատմած է իր մասին հատուկոտոր... Մենք պիտի ճոխացնենք մեր պատմությունը, զոր մենք յսած ենք իր իսկ բերանեն»²։

Հեղինակը շեշտում է, որ լավատեղյակ է մասնավորապես Անդրանիկի մասնակցությամբ Բալկանյան և համաշխարհային պատերազմներին և որ իր նպատակն է՝ «տալ ստույգ պատմությունը և ոչ հեքիաթայինը»³։

Հիմա՞վի, ստուգապատում պատմություն գրելը, մանավանդ Անդրանիկի մասին, ընդ որում, նրա կյանքի մի երկարատև ժամանակաշրջանն ընդգրկող առաջին ստուգապատում պատմությունը, խիստ դժվարին գործ էր Անդրանիկին նրա անունը իրականի հետ միասին դարձել էին լեգենդ, նրան վերաբերող պատմությունները՝ հերոսական ասք, որ ոգի էր ներշնչում տառապած ժողովրդին։ Իրականն ու ոչ հավաստին զատել-առանձնացնելը, սակայն, միանգամայն մատչելի էր մեծ տաղանդի տեր և հիմնավոր կրթություն ստացած Թոթովենցին։ Գրողը Անդրանիկի հրամանատարությամբ կռված ճակատում կռվելուց հետո⁴ մի քանի տարի, գրեթե մինչև զորավարի գործու-

¹ Թոթովենցը ծնվել է 1889 թ., Խարբերդի Մեզրե գյուղում։ Արդու Համիդի բռնապետության տնկումից հետո Կ. Պոլսից անցել է Ֆրանսիա, ապա ԱՄՆ, ուսանել Վիսքոնսինի համալսարանում 1915 թ. Թոթովենցը Կռվկասում էր և մարտնչում էր Անդրանիկի հրամանատարությամբ գործող կամավորական զինվորում 1920 թ. րնտանիքով մեկնել է Կ. Պոլիս, ապա Եվրոպա և ԱՄՆ 1922 թ. հրավիրվում է Երևանի նորաստեղծ համալսարան՝ անդերեն դասավանդելու Մինչև 1936 թ. Թոթովենցը ապրում է ստեղծագործական բեղուն շրջան՝ ստեղծելով գեղարվեստական մնայուն արժեքներ («Ամերիկա» պատմվածաշարը, «Աղավնիներ», «Կյանքը հին հոռմեական ճանապարհի վրա», «Երկու սուր», «Մոխրակույտ» և այլն)։ 1937 թ. դարձել է ստալինյան բռնությունների զոհը (տե՛ս Ս. Արդու մասնյալն. Վահան Թոթովենց. Երևան, 1961, էջ 9—26, Ա. Չևիկյան. Զորավար Անդրանիկ և հայ հեղափոխական շարժումը. Լոս Անճելես, 1984, էջ 411)։

² Ա. Մարմարյան. Զոր. Անդրանիկ և իր պատերազմները, էջ 3։

³ Նույն տեղում։

⁴ Ե. Զարենցի անվ. գրականության և արվեստի թանգարան, Թոթովենցի ֆոնդ, № 174,

նհույժան վերջին շրջանը Անդրկովկասում, եղել է նրա մերձավոր շրջապատում, մշտապես շփվել նրա հետ:

Թոթովենցի գիրքն ընդգրկում է Անդրանիկի գործունեությունը՝ սկսած Շապին Գարահիսարից, նրա ծննդավայրից մինչև 1919 թ. փետրվարի վերջը. երբ զորավարը Զանգեզուրը թողնելով մեկնում է էջմիածին՝ այնտեղից Թիֆլիս և ապա Փարիզ անցնելու համար: Դրանից հետո սկսվում է Անդրանիկի կենսագրության վերջին՝ տարագրության շրջանը: Թոթովենցը նկատի է առել այս բեկումնային պահը Անդրանիկի կենսապատումի համար: «Անգլիական պատգամավորութենեն (որի պնդումներին տեղի տալով Անդրանիկը հեռանում է Զանգեզուրից—Ա. Խ.) մինչև Անդրանիկի Բարիզ հասնիլը զանազան հետաքրքիր դեպքերը ես կգրեմ ուրիշ առթիվ»⁵,—գրում է նա:

Թոթովենցի գիրքը սոսկ կենսագրական բնույթ չունի. ամեն կերպ ձգձուգելով հավաստի ներկայացնել փաստերը, իրադարձությունները, Անդրանիկի շրջապատի, նրան առնչվող բազմաթիվ անձանց նկարագրերը, գրողը, այսուհանդերձ, իր անհատականության խոր կնիքն է դրել այդ փաստերի ու իրադարձությունների մեկնաբանության (անշուշտ, նաև ընտրություն) ինչպես իր պատմության մեջ հիշվող անձանց բնութագրերի վրա: Այս իմաստով Անդրանիկի կենսապատումը նրա գրչի տակ վերածվել է մի յուրահատուկ ստեղծագործության, որտեղ պատմությունն ու դրա գեղարվեստական ընկալումը հանդես են գալիս զուգորդված, ընդ որում, տարասեռ այս շերտերը ի հայտ են գալիս ոչ թե հակադրության, այլ իրար լրացնելու միտումով: Ժողովուրդական հեռուսի մեջ Թոթովենցը նկատել-առանձնացրել է մի բանի գծեր, որոնք, թվում է, առաջնային նշանակություն ունեն նրա նկարագրի համար և որոնցով պայմանավորված է նրա վերաբերմունքը մարդկանց ու իրակա-նության հանդեպ: Այս գծերը սկիզբ են առնում Անդրանիկի ու նրան ծնող ժողովրդի ճակատագրերի ընդհանրություններից: Կարելի է այդ գծերի թվա-րակումը սկսել բռնության հանդեպ Անդրանիկի տածած խոր սաեկությունից: Այդ ատելությունը կարծես ունի ծագումնաբանական սկիզբ. ոչ որ անդուսա-ատելություն չի ներշնչել նրան բռնության նկատմամբ, որ անհրաժեշտ էր պետք է դրսևորվեր լավ բոստության ձևով: Բայց դրանով հանդերձ, պատմական իր մեջ կրում էր այն լիցքը, որ կուտակվել էր ժողովրդի մեջ, նրա ընդերքում և որը պոռթկացող ընդդիմության դրսևորումով ծառս էր լինելու առաջին խոկ պատեհ առիթով:

Կենսագրական դժբախտ հանգամանքն իսկ (մեռնում ևս նրա կինն ու երեխան⁶), ասես դառնում է գործող ազդակ Անդրանիկին դեպի ժողովուրդն ու նրա պայքարը տանելու ճանապարհին: Այդ ճանապարհը ուր ղեկավար, Անդրանիկը հետագայում պետք է դառնար թուրքական բռնակալության դեմ լավ բոստության դրոշակակիրը:

Շապին Գարահիսարում հնչականների գաղտնի խմբի մեջ ընդգրկվելուց, հորը ծեծողից վրեժ առնելուց և թուրքական բանտից ընկերների օգնությամբ Կ. Պոլիս փախչելուց հետո փաստորեն սկսվում է Անդրանիկի պայքարը օս-մանյան բռնակալության դեմ: Թոթովենցը դեպքերի զարգացումը ներկայաց-նում է իրենց բնականոն ընթացքի մեջ և նրա շարադրանքի պարզ հյուսված-քում շատ ցայտուն երևում է Անդրանիկի խառնվածքի անսովորությունը, բա-ցառիկ մարդասիրությունն ու ասպետականությունը:

Հայտնի է, որ Կ. Պոլսում հրշեջները (թուլումբաջիներ) հարդանք էին վայելում բնակչության մեջ: Արհամարհանքը սուր վտանգի հանդեպ և ունե-նազոհության պատրաստակամությունը՝ ի սեր ուրիշի փրկության, մշտապես ռոմանտիկ գծեր էին, որ մյուս արհեստավորներից առանձնացնում էին հր-շեջներին: Պատահական չէ, որ նրանց ոչ քիչ դեպքերում օգնության էին շտա-պում անվեհեր մարդիկ, որոնց հուզում էր ուրիշին փրկելու զգացումը:

⁵ Ա. Մ ա ռ մ ա Ր յ ա ն. Նշվ. աշխ., էջ 404:

⁶ Նույն տեղում, էջ 6:

Թոթովենցի հերոսը հայտնվում է նույն իրադրության մեջ՝ Կ. Պոլսում նա անգործ էր (չհաշված ոստիկանությունից խուսափելու նրա նախազգուշությունները)։ Եվ ձանձրացող Անդրանիկը նետվում է հրդեհների մեջ, իրեն տալիս աղետյալներին օգնելու՝ կարծես ներքին պահանջումն է դարձած գործին։ Ունեզամ մը,—գրում է Թոթովենցը,—ծուխերու և բոցերու մեջ տունը կփյի և ինքն ալ կմնա տանը տակ, հազիվ ինքզինքը կձգե դուրս, գրեթե կհսամեն վիճակի մեջ։

Անդրանիկ այս բոլորին մեջ չի հետապնդեր ոչ մի անձնական շահ։ Հըրդեհ, ծուխ, իրարանցում, աղմուկ, կոփվ, տարրերու տարերային պայթար, բրտինք, վտանգ, հերոսություն։ Ահա Անդրանիկի հոգու և երևակայության, ասյրելու ատաղձները։

...Առանց ասոնց՝ մենք կկորսնցնեինք մեր ժողովրդի ներկա ռազմական վարկը բարձրացնող ամենախոշոր ֆարթորը։

Այսպիսին է Անդրանիկը՝ հոգևոր ու ֆիզիկական բոլոր հարկավոր նախադրյալներով պատրաստ հաղուկային դժվար և անհրաժեշտ պայքարի համար։

Անդրանիկի հանդուգն և համարձակ բնավորությունը, հարմարագույն պահին իր գործողությունների պլանը ծավալելու և ծանրագույն իրավիճակներում ակնթարթային վճիռներ կայացնելու բացառիկ ընդունակությունը, որ հետագայում բնութագրական էր դառնալու նրա ռազմավարական գործունեության համար, համոզիչ օրինակներով է ցույց տրվում Թոթովենցի գրքում։ Բաթումից Կարս տանող ճանապարհին (Անդրանիկը Արևմտյան Հայաստան էր դիմում ուսական սահմանի վրայով) նա բռնվում է ուսական ոստիկանության կողմից և վճռում փախչել, որի մասին հայտնում է ընկերներին։ Ընկերները վարանում են և վախենում՝ կարծելով, որ Անդրանիկի փախուստը, հավանաբար, ծանր կանդրադառնա իրենց վրա։ Անդրանիկին հաջողվում է բթացնել և՛ ընկերների, և՛ պահակ-ոստիկանի աչալրջությունը։ Այս միջադեպով Թոթովենցը նախապարաստում է ժողովրդական հերոսի հաստատականությունը. նա գնում է ժողովրդական պայքարի դրոշ բարձրացրած ֆիդայիների մոտ և ոչ մի ուժ չի վիճակի չէր վստահելու նրա ճանապարհը։ Նույնիսկ պատահականությունները։

Թոթովենցի դիրքը իրադարձությունների ընթացքի պարզ շարահարում չէ։ Հեղինակը իմաստավորել է իր հերոսի գործողությունները նրա աշխարհընկալման, իրականության դնահատման, սկզբունքի ու կամքի հղկման լուսական պայմանների մեջ։ Հնչակների գաղափարական դպրոցն անցած պատանու մեջ չափազանց սրված էր մարդու և ժողովուրդների իրավունքների պիտակցումը։ Բռնությանը ուժով ընդդիմանալու գաղափարը, որ տարեբայնորեն ի հայտ էր գալիս Անդրանիկի մեջ Շապին Գարահիսարում և Կ. Պոլսում, սնուցվում է նրա անմիջական դիտարկումներով։ Անդրանիկը մոտիկից է տեսնում ժողովրդի կրած հարստահարություններն ու տառապանքները, նրա իրավազրկությունն ու վիշտը։ Եվ վերջապես, այդ գաղափարը նա հստակ ձևակերպում է Բասենի Գումաձոր գյուղի մի շինականի հետ զրուցելու ժամանակ։ «Պետք է կռվի, սուրով պետք է հասկցնել թուրքին, որ անիկա իրավունք չունի ուրիշին սեփականությունը կողոպտելու, մարդկանց և ամբողջ ժողովրդի մը արդար իրավունքները բռնաբարելու»,—ասում է նա⁷։ Չարության դեմ բողոքի լավագույն միջոցը, նրա համոզմամբ, պայքարն է շարունակյալ դրսևորումների դեմ։ Այս մտայնությամբ է Անդրանիկը զինվորագրվում հալ ժողովրդի ազատագրական պայքարին։

Իր առաջին մարտական քայլերը, ինչպես հայտնի է, Անդրանիկը անցկացրել է Աղբյուր Սերոբի հրամանատարության ներքո։ Թոթովենցը շատ հակիրճ է կանգ առնում Անդրանիկի այս շրջանի գործունեության վրա։ Երբեմն

⁷ Նույն տեղում, էջ 12։

⁸ Նույն տեղում, էջ 39։

նա ուշադրություն չի դարձնում իր պատուհի ժամանակագրությանը: Այսպես, գրքում չի նշվում, թե Անդրանիկը երբ է ոտք դրել Սասուն: Հուշագրողներից Ռուբենը և Սեպուհը այդ ժամանակն են համարում 1895 թ.⁹ Այս կարծիքին է նաև Ա. Զելեպյանը¹⁰, որը հատուկ ուշադրություն է դարձրել նշված ժամանակը ճշգրտում: Բայց խնդրին սպառիչ պատասխան է տվել ինքը՝ Անդրանիկը, որը 1907 թ. գրել է. «94-ից անմիջապես հետո մենք ենք մտել Սասուն, ապա եկել են և ուրիշներ: Թոթովենցին, իհարկե, հայտնի է Անդրանիկի՝ Սասունում վարած կոիվների ժամանակագրական կարգը, սակայն նա իր ուշադրության կենտրոնում է պահում, իր խոսքերով ասած, «հայ հեղափոխականներու, մանավանդ զոր. Անդրանիկի անցուցած կյանքը Սասնո և Մուշի լեռներուն և դաշտերուն մեջ, անոնց դատարանները, ապրելակերպը. բարոյականը, դիվանագիտական հարաբերությունները, առհասարակ ամբողջ կենցաղը»¹¹:

Այս տեսակետից Թոթովենցի շարադրանքը տալիս է հայդուկային շարժման կազմակերպման, ներքին փոխհարաբերությունների, ժողովրդի հետ հայդուկների ունեցած առնչությունների ուսումնասիրման այնպիսի օրինակներ, որոնք անգնահատելի են ընդհանրապես ամբողջ շարժման և դրա մեջ Անդրանիկի տեղի բնութագրման համար: Ուշագրավ է, մանավանդ, հայդուկների կազմակերպած ժողովրդական դատարանի գործունեությունը, ժողովրդական արդարադատության այդ ինքնագործ մարմինը, որը ազնվասիրտ և միշտ անխարդախ լեռնականները նախընտրել են թուրքական դատարանից՝ բռնության և կաշառակերության, բացահայտ կողմնակալության ու շարամտության համեմատի տյուր զորից: Անդրանիկի և հայդուկների գործադրած արդարադատությունը հենվում էր սովորույթի և ժողովրդի ընդերքում խոր արմատներ ունեցող արդարամտության գիտակցության վրա: Այս նկատի առնելով Թոթովենցը գրում է, որ «այս դատարանը նման էր հին, բարբարոս գերմանական ցեղերու մեջ տեղի ունեցած դատավարություններու, որոնց ավանդությունները հետո դարձան—եղան գերմանական և համաեվրոպական օրենսգիտության հիմունքներու մեկ մասը»¹²:

Ընդհանրապես, հայդուկների անձնագուհ կովի ամբողջ տրամաբանությունը ինքնին հետամտում էր ժողովրդի համար իրավունքի և օրենքի հաստատումը օսմանյան իրավազանց և բռնակալական հասարակական ու քաղաքական իրականության մեջ: Մյուս կողմից, Անդրանիկի գործունեության այս կողմի բացահայտումով Թոթովենցը ձգտել է ցույց տալ ժողովրդական հերոսի նկարագրի մյուս կարևոր գիծը՝ արդարամտությունը: Դրանով է առաջնորդվել Անդրանիկը իր ամբողջ դժվարին կյանքում, թե՛ թուրքական ջարդարարներից իր ժողովրդին պաշտպանելիս, թե՛ այս կամ այն գործչի կեցվածքն ու վարքագիծը քննադատելիս, թե՛ հասարակ հայ գիշվորին մեծաբերիս և թե՛ սպայական բարձր կոչում կրող անձանց դավաճանությունը մեղակացնելիս:

Թոթովենցի շարադրանքի ընթացքում պարզորոշ երևում է հեղինակի որոշակի սկզբունքը՝ ընդգրկել ոչ թե Անդրանիկի կոիվների ամբողջ պատմությունը իր մանրամասներով, այլ հիմնականն ու հատկանշականը: Անդրանիկի գործունեության առաջին շրջանի համար նա ուղենշային է համարում այդպիսի շորս գլխավոր իրադարձություններ՝ խալիլ փաշայի սպանությունը, Առաքելոց վանքի կոիվը, Մովսեսարի կոիվը և Աղթամարի շրջապատման հաղթահարումը: Ըստ էության, այս իրադարձությունների մեջ դրսևոր-

⁹ Ռուբեն. Հայ հեղափոխականի մը հիշատակները. հ. 3, Լոս Անճելես, 1952: Սեպուհ. Դիվանքեր Ասսունի կոիվներեն. Կ. Պոլիս, 1910, էջ 17:

¹⁰ Ա. Զելեպյան. Նշվ. աշխ., էջ 90—91:

¹¹ Ա. Մարմարյան. Նշվ. աշխ., էջ 34:

¹² Նույն տեղում, էջ 48:

ված է հայդուկային ընդվզումների ամբողջական նկարագիրը, որ բավականաչափ տարողունակ է՝ անհատական վրիժառուության ակտից, որպիսին էր հալիլ փաշայի սպանությունը, մինչև բացառիկ ու հերոսական պայքարը թուրքական ղանգվածային զինական ուժերի դեմ։ Նկարագրելիս Թոթովենցը աննշմար մեկ-երկու ուրվագծերով հիմնավորում է երևույթը, որը, առանց զրա, թվում է՝ կրիներ հիպերբոլիկ։ Այս կերպ գրողը իր հերոսին դնում է լացասական, բայց ոչ բնավ անհավանական իրադրության մեջ։ Այսպես, հոգալիս առաջ, շքանում է նրա հասկանալի լարվածության և սեփական օրգանիզմի վերահսկելու մեծ կարողությունների շնորհիվ։ «Անդրանիկի երևակայությունը կսկսի աճելի բոցավառի։ Անիկա կգինովնա, այլևս ոչ ոսկրային ցավ կսղա, և ոչ այ որևէ վտանգ», — գրում է Թոթովենցը¹³։

Խալիլ միակը չէր։ Ժողովրդական վրիժառուների գնդակները ամենուրեք հետևում էին թշնամու գործակալներին, կառավարության գործիք դարձած ուժերին՝ հույս ու հավատ ներշնչելով ժողովրդին։

«Առաքելուց վանքը» գլխում Թոթովենցը իրականը ներկայացնում է բնատեղծական շնչով, որտեղ ինքնաբերական և ազնիվ պաթետիկան հիշեցնում է Վարուժանի ոճի հանդիսավորությունն ու Սիամանթոյի հերոսականության պաշտամունքը՝ խորքում ունենալով կոնկրետ — իրականի ու ողորմականությանի գույրողումները։ Այսպիսի ոճը կարծես բնականոն ձևով բխում է իրադարձության լայնադիրությունից։ Երեսուն-երեսունվեց հայդուկներով Անդրանիկն ամրանում է Մշո Ս. Առաքելուց վանքում և հաջողությամբ հետ մղում թուրքական կանոնավոր զորքերի ու անխուսափելի բաշխողությունների բազմապատիվ շափերով դեբաղանց ուժերը։ Անդրանիկն այստեղ պատկերվում է իրրև փորձառու և հայդուկի հանդգնությունը մարտավարի զարմանալի տաղանդին լիովին ի սպաս զրած հերոս։ Իսկապես, երեկվա մարտիկը, որն իր զործելակերպով գրեթե չէր տարբերվում ընկերակիցներից, բռնակալներին դեմ մղվող մարտերում աճել-հասունացել էր մի անհրաժեշտությամբ, որը իրրև հասկանալի ու պարզ իրողություն՝ իմաստավորում էր գտել հայդուկների կողմից։ Անդրանիկի հեղինակությունը իր միջավայրում ճանաչելու տեսակետից ուշագրավ է Սևրասուացի Մուրատի հիմնավորումը, որ հանդիպում է նրա Մ. Վարուժանի գրքում։ «Անդրանիկ աչք ունի... սար ու ձոր կանցնինք իմբով՝ հրացաններս ուսերնիս, ու ամեն մեկս իր ճամբան կքալեմ, իսկ Անդրանիկը՝ ամենիս ճամբան։ մենք անհող կերթանք՝ ան կտեսնի, կգիտի. կպատի մամեն բար ու դար, ամեն ժայռ ու բլրակ, մայրու ու պուրակ։ Ոչինչ չի վրիպի նրա տեսողությունից։ Եվ ինչ որ մի անգամ տեսավ՝ էլ երբեք չի մոռանա։ Թե նույն ճամբով հետ գալու լինինք կովով ու հաճախով, հա հրաշալի գիտի, թե մինչև ուր պիտի բաշվինք՝ այսինչ բլրին, քարին, սարին, ժայռին, դարին հանդիպելու համար։ Հետո ան գիտե անհման զորք բռնել լճնամիին դեմ և մի անգամ, որ նա մեր տեղերը որոշեց կովից առաջ, ան հայտի տակ, այս բլրի ետև, այն պուրակի ծոցում, ապա մենք վստահ ենք, որ դու լսվագույնն է։ Արդարև, նա երբեք չի սխալվում...»¹⁴։

Այսպիսին էր Անդրանիկը Ս. Առաքելուց վանքի պաշտպանությունը կազմակերպելիս։ Թոթովենցը այսպիսի ծավալուն բնութագրումներ չի անում, բայց նրա զուսպ տողերի մեջ նկարագրվում է Անդրանիկի մեծ հեղինակությունը։ Գրողը ի հարկին անդրադառնում է նաև Անդրանիկի մարտական ընկերակիցներին։ Այսպես, նա վերահանում է Գևորգ Չավուշի անձնավորությունն ու հիանալի ճարպկությունը և մեջբերում «Դրոշակի» 1907 թ. սեպտեմբերի 9-ի հոդվածը՝ նվիրված այդ հերոսին։

Երեսունմեկօրյա պաշարումից հետո Անդրանիկին և նրա ջոկատին հա-

¹³ Նույն տեղում, էջ 68։

¹⁴ Մ. Վարուժանյան. Մուրատ. Պոսթըն, 1931, էջ 98։

ջողովում է ճեղքել թշնամու հոծ շղթան և գիշերվա մթության մեջ, առանց որևէ սպանված կամ վիրավոր տալու, բարձրանալ լեռները:

Թոթովենցը ընդգծել է Ս. Առաքելոց վանքի անօրինակ կռվի թողած մեծ ապավորությունը ժողովրդի վրա, նրան պայքարի ու ապրելու ոգեկոչող այդ իրադարձության նշանակությունը: «Առանց Առաքելոց վանքի՝ Անդրանիկ չպիտի կրնար մղել համաշխարհային պատերազմի Կովկասյան ճակատի վրա Տիլմանի ճակատամարտը, Դատվանի կռիվները և Պիթլիզի գրավումը», — հզրակացնում է նա¹⁵:

Ս. Առաքելոց վանքի կռվի նկարագրությունից հետո Թոթովենցն անցնում է 1904 թ. ապրիլին սկսված՝ Սասունից մինչև Վան ձգվող ազատագրական կռիվներին և մասնավորապես Սասունում Անդրանիկի ջոկատների մարտերին: Թոթովենցը չի անդրադարձել 1902—1903 թթ. իրադարձություններին և դա հասկանալի է, նա շարադրում է Անդրանիկի կարևոր կռիվների պատմությունը: Ասենք, նշված տարիները հարաբերական դադարի տարիներ էին: Դոժոբ Հրայրը և Վարդան վարդապետը բավական հաջողության էին հասնում կառավարության թեկադրանքներից քրդերին ձերբազատելու գործում¹⁶: Առանց քրդական աշիրաթապետների համագործակցության, սուլթանը վարանում էր իր գործողությունների մեջ: Որոշ նշանակություն ունեցող նաև եվրոպական տեղությունների դիվանագիտական միջամտությունը: Ֆրանսիայի, Անգլիայի և մյուս երկրների հյուպատոսները բռնակալության մոլուցքը զսպելու ազդեցիկ միջոց էին համարում ընդդիմության դադարեցումը: Հակառակ սրանց հերքողների, հայդուկների գինվորական խորհուրդը որոշում է առանց մարտերի չթողնել Սասունը: Մինչ այդ, սուլթանը զորքեր էր մտցրել Սասուն և 1904 թ. ապրիլին ծայր են առնում ինքնապաշտպանական կռիվները: «Մեծ կռիվները» վերնագրով գլխում Թոթովենցը նկարագրում է Սեմալի, Սպաղանա, Գոմերի, Շամիրա, Գելիեզուզանի, Քոփի, Մովասարի և այլ կռիվները: Դրանք ընթանում էին հայդուկների համար չափազանց դժվարին, զրեքն անտանելի պայմաններում: Գերազանց զինված և ուժի անհամար գերակշռություն ունեցող թշնամու հետ նրանք բախվում էին իրենց շարժունակությունը (որ նրանց հաջողության գլխավոր նախապայմաններից էր) խիստ կաշկանդած վիճակում: Պետք էր փրկել բնակչությանը, տեղահանել նրան՝ ապահով բարձունքներ փոխադրելու համար և այրել լքված գյուղերը՝ թշնամուն ապաստան չտալու նպատակով: Սասունի այս անօրինակ հերոսական մարտում, այսուհանդերձ, պետք է ավարտվեր 1904 թ. մայիսին՝ ուժերը չփաշանց անհավասար էին, զոհերը չափազանց շատ: Բուրքական զորքերը արյան նախճիր սարքեցին գրավված բնակավայրերում՝ կոտորվեց շուրջ 8 000 հայ, ավերվեցին մի քանի տասնյակ գյուղեր¹⁷:

Ադթամարի կռվով Թոթովենցն ավարտում է երկրում Անդրանիկի և նրա ջակատների ծավալած մարտերի պատմությունը: Իր ռազմագիտական տաղանդի շնորհիվ Անդրանիկը այս անգամ ևս կարողանում է առ ոչնչի հասցնել թուրքերի թվական գերազանցությունը և բարեհաջող թողնել կղզին: Հայդուկները հեռացել էին, սակայն կղզում փողփողացող երկու դրոշները պաշարումը սաստկացնելու նոր ներշնչումներ էին տալիս խարված թուրքերին: Իր երեսուն մարտիկներով Անդրանիկն անցնում է Կովկաս:

Թոթովենցը լուրջ ուշադրություն է դարձնում Անդրանիկի մարտավարական մեծ շնորհներին: Ադթամարի կռվի նկարագրությունն ավարտելուց հետո նա գրքում դեմոնստրացիա է Անդրանիկի «Մարտական հրահանգների» մի սովորական մասը: «Անդրանիկի՝ Սասնո հերոսամարտերու նկարագրությունը ավարտելն վերջ,—գրում է նա,—անհրաժեշտ էր դրել նաև այս մեծ հեղափոխական կռիվին կռվելու եղանակները: Ասոր համար դիմեցինք ուղղակի իր հեղի-

15 Ա. Մարմարյան, Նշվ. աշխ., էջ 82—83:

16 Ա. Զելեպյան, Նշվ. աշխ., էջ 182:

17 Հայ ժողովրդի պատմություն. հ. 6, Երևան, 1981, էջ 476:

նակած «Մարտական հրահանգներ» անուն գրքին: Կարտատպենք ամենագրվ-
խավոր և հետաքրքրական մասերը»¹⁸:

Անդրանիկը մեկնում է Թիֆլիս և հյուրընկալվում Հովհ. Թումանյանի տանը՝ իրրև նրա ազգականներից մեկը: Այսպես ապահով էր՝ ցարական հե-
տամուտ իշխանությունների ուշադրությունը շեղելու համար: Այս ժամանա-
կից է սկսվում Թումանյանի և Անդրանիկի մշտական բարեկամությունը:
«Հովհ. Թումանյան իր մանուկները կրեմ, կկանգնեցնե Անդրանիկի առաջ և
կողքի կուտա Անդրանիկի երգերը: Մանուկները ոչինչ տեղեկություն չեն
ունենալու հայրիկին անձանոթ ազգականի մասին, որ եկեր էր գլուղեն և շու-
տով պիտի երթար», — գրում է Թոթովենցը¹⁹:

Թումանյանի մասին գրած իր հուշերում Թոթովենցը գրում է. «Ճաճախ
ևս հանդիպել եմ Թումանյանի տանը Անդրանիկին ու Թումանյանին միա-
սին: Նրանք իրար շատ էին սիրում՝ բարձրի, ըմբռնումների խիստ նմա-
նություն կար երկուսի միջև: Անդրանիկը ևս անզուգական պատմող էր: Նրան
յուսիս պատմության, անձնավորությունների, տեղի, ժամանակի ընդհանուր
մթնոլորտի ամենահիրական, կենդանի պատկերացում էինք ստանում»²⁰:

Թիֆլիսից Անդրանիկը մեկնում է Եվրոպա՝ Շվեյցարիա, ժնև, ապա
Մանչեստր, իսկ 1905 թ. մարտին՝ Ֆրիպե (Պլովդիվ, Բուլղարիա): Եվրոպա-
յում իր հերոսի անցկացրած կյանքը Թոթովենցը պատմում է շատ համառոտ,
գրեթե արձանագրողի ժխտ խոսքով: Հետաքրքիր են նրա տեղեկությունները
ժնևում Անդրանիկի ու Սիմանթոյի հաստատած բարեկամության, ինչպես
և Դ. Դեմիրճյանի հետ հանդիպումների մասին: Թոթովենցը, սակայն, բաց է
թողել կարևոր մանրամասներ: Ըստ նրա շարադրանքի, «Դրոշակի» խմբա-
գրությունն է տնօրինել Անդրանիկի Անդրկովկաս մեկնելու և հայ-թաթարա-
կան (հայ-ադրբեջանական) ընդհարումներին միջամուխ լինելու հարցը, և որ
արդեն Դ. Դեմիրճյանի հետ գնացքով ճանապարհ ընկած Անդրանիկը հետ
է դառնում այն բանից հետո, երբ «Ժնև չուր կստանա Կովկասեն, որ Անդրա-
նիկի Կովկաս երթալը ավելորդ է զանազան պատճառներով»: Ա. Թերզիբաշ-
յանի աշխատության մեջ, սակայն, դրսևորված է Անդրանիկի սեփական տե-
սակետը ընդհարումների մասին: Նա առարկում է Ռոստոմին (որը եկել էր
Ժնև, Անդրանիկի Անդրկովկաս մեկնումը կազմակերպելու համար), նկատելով,
որ ցարը և՛ հայերի հետ է, և՛ թաթարների (ադրբեջանցիների), և որ նրա
բուն նպատակն է կողմերի երկուստեք միմյանց կոտորելը: «Ապացույցը, թե
ցարը կուզե, որ մենք և թաթարները շարունակենք զիրար կոտորել, հայտնի
է այն փաստեն, թե ամիս մըն է ահա, որ կտես կռիվը: Եթե չուզեր, որ
մենք զիրար կոտորեինք, իր ցուցամատը կշարժեր և, հայր ըլլա թե թաթա-
րը՝ կղաղբեցնեին անմիջապես իրենց կռիվը և ասիկա կտեսեր ոչ թե մեկ
ամիս, այլ ոչ տվելի քան մեկ րոպե»²¹:

Անկասկած, Անդրանիկը արտահայտում էր իր ժողովրդի սթափ մտածո-
ղությունը, որի ամբողջ խմաստությունը պատրանքները ցրելու կարողության
մեջ է: Այդպիսի մասժողովությունը սերունդների համար իր կենսական նշա-
նակությունը պահպանում է նաև հետագայում, որովհետև պատրանքները
ես ունեն վերարտադրվելու զարմանալի հատկություն, մասնավորապես այն
հանրությունների մեջ, որոնք պատմությունը դիտում են որպես սոսկ ապր-
միս ժանր, և ոչ թե իբրև վերստեղծված արդիականություն:

Ֆրիպեում իր հերոսի հաստատվելու շրջանը Թոթովենցը ուրվագծում է
հատկանշական մի քանի կողմերով, որոնց մեջ ճանաչողական նշանակու-
թյուն ունեն Անդրանիկի կապերը մակեդոնական հեղափոխականների հետ՝ ի

18 Ա. Մ ար մ ար յ ան. նշվ. աշխ., էջ 133:

19 Նույն տեղում, էջ 173:

20 Ե. Զարենցի անվ. դրականության և արվեստի թանգարան, Թոթովենցի ֆոնդ, № 7,
էջ 10:

21 Ա. Թ և ր զ ի պ ա շ յ ան. Անդրանիկ. Փարիզ, 1942, էջ 103—104:

դեմս Բորիս Սարաֆովի: Թոթովենցը այստեղ ևս հավատարիմ է մնում այն ճշմարտությանը, որ այն ամենը, ինչ առաջավոր էր, նպաստում էր քաղաքակրթությանը և ժողովրդի առաջադիմությանը՝ զուտ անհատական իմաստով: շատ դեպքերում դրսևորվում էր Անդրանիկի անհատականության միջոցով: Այստեղից է սկիզբ տոնում Անդրանիկի և Բորիս Սարաֆովի փոխադարձ բարեկամությունն ու հարգանքը: Անդրանիկը մոտիկից տեղյակ էր բուլղարացիների մարտական պատրաստություններին, նա զինավարժություններ էր անցկացնում բուլղարական խմբերի հետ: «Մարտական հրահանգների» հեղինակը րավականաչափ արժեքներ ուներ տալու իր ռազմական փորձառությունից: Միջկուսակցական պայքարի ընթացքում սպանվում է Բ. Սարաֆովը՝ խոր վիրա պատճառելով Անդրանիկին: Ուշագրավ մի ընդհանրացումով Թոթովենցը այսպես է բացատրում բռնապետության դեմ պայքարի ելած եղբայր ժողովուրդների զավակների փոխադարձ համակրանքը. «Պորիս Սարաֆովի և Անդրանիկի բարեկամությունը երկու հեղափոխություններու եղբայրակցությունն էր:

Պալքանյան ըուրր ազգությունները գտած էին իրենց ազատություններն ու պետական անկախությունները. մնացած էինք մենք և մակեդոնացիք: Վիրավորները զիրար կգտնեն և կսիրեն: Ահա Պորիս Սարաֆովի և Անդրանիկի՝ իրարու հանդեպ ունեցած սերը, վստահությունը և եղբայրակցությունը»²²:

Թոթովենցը իր հերոսի անհատականությունը ներկայացրել է նաև նրա աշխարհընկալման հետևողականության ու հաստատակամության համոզիչ պացույցների մեջ, որը փաստորեն վերածվում է սկզբունքայնության և գաղափարական որոշակի դիրքորոշման: Այստեղից են ծայր առնում Անդրանիկի տարակարծությունները դաշնակցության հետ, որոնք խորացան 1907 թ. վերջին, երբ այդ կուսակցությունը ստորագրեց երիտթուրքերի հետ համագործակցության դիմելու՝ Փարիզի դաշնագիրը: Արդյոք քաղաքական գալթակցություն էր դա, թե փոքր ժողովրդի սխալվելու՝ շնախատեցված ադետների նախադուռ, այս հարցը պետք է քննարկել մի այլ տեղ և մի այլ ժամանակ: Իրողությունն այն է, որ հնչակաները ևս զերծ չ'մնացին արևմտահայ ժողովրդի ընդ և սահմանափակ տարածքում ընկերվարության ոչ մի ահման չճանաչող գաղափարախոսությունը տեղագրելու փորձությունից: Մեծն Մուրատը ընտրվեց օսմանյան պաուամենտի անդամ: Արդեն որոշակիորեն ձևավորված իր վերաբերմունքով և դրա համապատասխան մեկնաբանություններով Թոթովենցը ցույց է տալիս, թե ինչպես են դաշնակցական ընկերներն առաջարկում Անդրանիկին՝ ընտրվել օսմանյան պաուամենտի անդամ: Անդրանիկը ցավ է հայտնում, որ Մուրատի սլես մաքուր մարզը այժմ ստիպված է պաուամենտում «անպիտան թուրքերու հետ նստիլ և ոչինչ չրենել», այնուհետև կտրականապես հայտարարում է. «Դուր հաշտվեցար թուրքերու հետ, րայց ինձ թույլ տվեք անհաշտ մնալու. ես թուրքի հետ չեմ կրնար հաշտվիլ մինչև իմ մահը: Բայց ես ձեզ գուշակություն մը կույեմ ընել և կուզեմ, որ լսեք: Եթե այս հեղափոխական կարծված թուրքերը օր մը ձեզ չկախեցին, ես մարդ չեմ: Օր պիտի գա, որ այս հեղափոխականներն ալ պիտի դառնան սուլթան Համիտի պես զազան մը և բոլորդ ալ պիտի հոշոտեն»²³:

Իր հերոսի այսպիսի հստակ իրատեսությանը Թոթովենցը տալիս է պարզ ու համոզիչ բացատրություն. ժողովրդի փիլիսոփայությունը շատ ավելի ճշմարտացի է, քան գիտական համակարգի բերված փիլիսոփայությունները, իսկ Անդրանիկը ժողովրդի խտացումն էր և զգացումների անխարդախ հայելին:

«Պալքանյան պատերազմ» գլխում հեղինակը ներկայացրել է Անդրանիկի մասնակցությունը Բուլղարիայի և բալկանյան մյուս դաշնակիցների՝ Թուր-

22 Ա. Մարտարյան. նշվ. աշխ., էջ 186:

23 Նույն տեղում, էջ 188:

քրայի դեմ մղվող պատերազմին (1912 թ. սեպտեմբեր—1913 թ. մայիս)՝ Ռուլարաճայեը բազմաթիվ կամավորներ տվեցին ասպնջական երկրի բանակին, առավել ևս, որ նա պատերազմելու էր հայերի դարավոր թշնամու դեմ։ Ռուլարաճայ գաղութի որոշմամբ Անդրանիկի հրամանատարությանը պետք է հանձնվեր բուլղարական բանակի շարքերում ընդգրկված հայկական առանձին զորամասը։ 1912 թ. հոկտեմբերի 25-ին այդ զորամասը հետիոտն ընթացքով դեպի ռազմաճակատ։ Թոթովենցը այս անգամ ևս ցուցադրում է իր հերոսի և ժողովրդի ներքին, հոգևոր կապերը, որոնք ի հայտ են գալիս սրանց ներքնապես հատուկ՝ անդիմադրելի մի մղումով։ Զորամասի ճանապարհին, Սամակով քաղաքում, Անդրանիկին է հանդիպում հայ լեռնաճակատի մարտավար մը՝ Խնդրում նրան՝ հյուրընկալվել իր տանը։ «Անդրանիկ կերթա արհեստավորին տունը, ուր կտեսնես, որ հայ շինականը բացի համեստ ճաշից մի՛ պատրաստած է Անդրանիկի սիրած բանը՝ տաք չուր ոտքերը լվալու համար»։

Ահա նախնական սովորություն մը, որ շատ ավելի հարգի կարող է դառնալ, քան մեծ ճաշ մը կերցնելը ճամբեն հոգնած մարդու մը համար».— դրում է Թոթովենցը²⁴։

Բալկանյան պատերազմում հայկական զորամասի, Անդրանիկի, ինչպես և Դուրեզին Նեդեհի ու նրանց զինակիցների հերոսական գործողությունների նկարագրությունը Թոթովենցը վերցրել է Արմեն Սյունու «Պալքանյան պատերազմը» գրքից։ Դա երկրորդ և վերջին ընդմիջարկությունն է, որ արել է Թոթովենցը՝ Անդրանիկի վերը հիշված աշխատությունից հետո։

Բալկանյան պատերազմը, ինչպես հայտնի է, վերաճեց բալկանյան ժողովուրդների միջև մղվող պատերազմի։ Դրանից առաջ (1913 թ. մայիսի 23) հաշտություն էր կնքվել Թուրքիայի հետ։ Անդրանիկը և հայ կամավորները անկողի շունն են այդ պատերազմում։ Հայկական զորամասը լուծարվեց։ Եվ հենց Ռուլարաճայի հոգում, Վառնայի իր տանը, Անդրանիկը իմացավ Առաջին համաշխարհային պատերազմի մասին։

«Համաշխարհային պատերազմը» գլխում Թոթովենցը անդրադառնում է Կովկասյան ճակատում Անդրանիկի կամավորական զորամասի գործունեությանը, համառոտ նկարագրում Վանի, Դիլմանի, Դատվանի ճակատամարտերը, Բիթլիսի գրավումը և գրանցում Անդրանիկի ու նրա մարտիկների ներդրած հերոսական ավանդը։ Թոթովենցը ուշադրություն է դարձնում հնարավոր հակառակորդի մեջ նույնիսկ հնարավոր բարեկամ որոնելու Անդրանիկի լայնախոհությանը։ Այդպիսի մի պատկեր է ներկայացնում խոյի ուղիւթյամբ՝ Վան տանող ճանապարհին Անդրանիկի և երեք աշիրաթապետների բանակցությունների նկարագրությունը։ Անդրանիկը խոստանում է չդիպչել նրանց, եթե նրանք ևս չխանգարեն իր առաջընթացը։ «Այս ցեղապետներն մեկն էր նշանավոր Ճիհանկիր աղան, որ հայկական վերջին ճգնաժամին մեջ դաշնակցեցավ հայերուն և պաշտպանեց Զուլֆա—Երևան երկաթուղու դիրքերը։ Անիկա ուներ միայն 200 ձիավոր և մինչև ետքն ալ մնաց հավատարիմ հայ ժողովուրդին և Անդրանիկին».—գրում է Թոթովենցը եզրի ցեղապետի մասին²⁵։

Մուլա Հասանից՝ Վանից մեկուկես օրվա հեռավորության վրա Անդրանիկի զորամասի նահանջը Թոթովենցը բացատրում է խալիլ փաշայի գործունեությամբ։ Սա անցել էր Ռեանդուզով, գրավել Թավրիզը և սպառնում էր ամբողջ Կովկասին։ Այս արշավանքը, ինչպես նկատում է հեղինակը, ոչ թե խուրբերի ռազմագիտական մտքի արդյունքն էր, այլ գերմանական զինվորական մասնագետների։ Ֆոն դեր Գոյցը ինքն էր Միջագետքում կազմակերպել խալիլի զորագնդերը։ Հաջողության դեպքում այս արշավանքը հայ ժողովրդի համար հղի էր ծանր վտանգներով։ Վանի Զեդեթ փաշան սպասում էր

²⁴ Նույն տեղում, էջ 194։

²⁵ Նույն տեղում, էջ 244։

հալիլի անցումների հաջող ավարտին, որպեսզի իր ամբողջ ուժերը նետեր վանի ըմբոստ հայության դեմ և ընկճեր նրա դիմադրությունը: Այնուհետև, հաջողության դեպքում, ինչպես նկատում է Թոթովենցը. թուրքերը սեպ կխրեին ռուսական բանակի Սարիղամիշի և Ալաշկերտի թևերի միջև և ռուսները հարկադրված կլինեին հետ քաշվել դեպի Կովկասյան լեռները: Թոթովենցը բացահայտում է պանթուրքիզմի մերձավորագույն նպատակները, որոնք ամբողջովին հաշվի էին առնված գերմանացիների մշակած ռազմական ծրագրերում: «Գերմանները և համաթուրանականության Պոլսո մայր թևը.— գրում է նա,— իր մեծագույն հույսը դրած էր կովկասյան թաթարներուն վրա, որոնք պիտի ապստամբեին և զարկեին ռուսական բանակի թիկունքեն»²⁶:

Խալիլ փաշայի զորքերը կանգնեցվեցին Դիլմանի մոտ՝ ռուսական բանակի մի մասի և Անդրանիկի զորագնդի տված համառ մարտերի պայմաններում: Խալիլը, ի վերջո, նահանջում է և հեռագրում Զեդեթին՝ թողնել վանի հայության պաշարումը և անցնել լճի մյուս ափը: Այգեօտանը կարող էր ազատ շունչ քաշել: «Եթե Անդրանիկը չի հալածեր թշնամին, անիկա դանդաղորեն և իր ուզած ուղղությամբ պիտի նահանջեր և երթար վանի ուղղությամբ».— այսպես է գնահատում Դիլմանի ճակատամարտում Անդրանիկի գնդի մղած հաղթական ճակատամարտի նշանակությունը Թոթովենցը²⁷:

Թոթովենցը իրազեկ է ռազմավարական նրբություններին, յայն հայացքով է դիտարկում այս կամ այն ճակատամարտի նշանակությունը և պետք է կարծել, որ այս իմացության համար նա ոչ քիչ բանով պարտական է իրեն՝ Անդրանիկին:

Թոթովենցը Արարատյան գնդի մարտերի պատմությունը ներկայացնում է մինչև Բիթլիսի գրավումը: Գրողը խոսում է Կովկասյան բանակի հրամանատարության անհաջող գործողությունների մասին՝ վանից ընդհանուր նահանջի հրամանի կապակցությամբ: Մանր վիճակ ստեղծվեց հայերի համար՝ վանի գաղթեց, իսկ Մուշը և Սասունը բնաջնջվեցին: Անդրանիկի կողմից Բիթլիսի գրավման կապակցությամբ Թոթովենցը ցույց է տալիս ցարական զենեքալ Ապագիևի հույժ անբարյացակամ վերաբերմունքը Անդրանիկի և նրա կամավորների նկատմամբ, նրա զբաղրությունները և այլն: Բաճրաստիճան սպայակույտի մեջ բուն դրած նախանձի, ինտրիգների ու սադրանքների մթնոլորտը թևաթափ էր անում Անդրանիկին: Հնարավոր չէր գործել վերին հրամանատարության անհանդուրժող միջավայրում և Անդրանիկը, զորամասի հրամանատարությունը թողնելով Սմբատին, մեկնում է Բիթլիս: 1917 թ. ապրիլին Անդրանիկը իր համախոհ մտավորականների հետ ձեռնարկում է «Հայաստան» օրաթերթի հրատարակությունը: Կամավորական ջոկատներում զորավարի հետ մարտնչած Թոթովենցը լիովին տրվում է այդ գործին: «Ամբողջ հատոր մը պետք է գրելու համար այն բոլոր խնդիրները, որոնք պատճառ եղան իր ղեկավարության տակ հրատարակված «Հայաստան» օրաթերթի երևնալուն»,— գրում է Թոթովենցը²⁸:

Գրքում Թոթովենցը չի խոսում «Հայաստանի» հրատարակության պատճառների մասին, սակայն, եթե մի կողմ թողնենք դրա անմիջական շարժառիթները, զորավարը օրաթերթի անհրաժեշտությունը կապակցում էր արևմտահայ գաղթականության վերապրելու, նրա կործանվող բնկորների կյանքը փոքրիշատե կազմակերպված հունի մեջ դնելու հետ: «Հայաստանը» վեր էր կանգնած կուսակցություններից և կրում էր Անդրանիկի ու նրա մտավորական շրջապատի (Թոթովենց, Գ. Լևոնյան, Ն. Դշխոյան, Լ. Թյուխունճյան և ուրիշներ) մտայնությունն ու դիրքորոշումը, ըստ որոնց, քաղաքական տեսակետները անպայմանորեն պետք է ստորադասվեն գաղթական արևմտահայության հարատևման կարևորագույն գործին: «Հայաստանը» դր-

²⁶ Նույն տեղում, էջ 247:

²⁷ Նույն տեղում, էջ 252:

²⁸ Նույն տեղում, էջ 260:

ված է շատ ուսմկալար հիման վրա: Անիկա ունի 16 հոգի՝ բաղկացած խորագրական խորհուրդ մը՝ ընտրված և վավերացված Անդրանիկեն, պարփակելով իր մեջ ներկայացուցիչներ թեև անպաշտոն, բայց բոլոր հոսանքներեն», — գրում էր թերթը²⁹:

«Անդրանիկ հայկական վերջին ճգնաժամին մեջ՝ վերջին գլխում Թոթովենցը շարունակում է 1917 թ. մայիսից մինչև 1919 թ. մարտն ընկած ժամանակաշրջանում: Անդրանիկի գործունեության պատմությունը: Թիֆլիսում թերթի հրատարակության հոգսերով և այնուհետև հայ քաղաքական կյանքի իրարամերժ միտումներով ու հակասություններով մտահոգ Անդրանիկը լարված սպասում էր Ռուսական բուրժուազիական կրատական հեղափոխությունից հետո հայության մշուշոտ ճակատագիրը պետք է պարզեր մյուս կարևոր հարցականը՝ համաշխարհային պատերազմի ելքը: Զորավարը, ինչպես իր ժողովուրդը, տենչում էր դերմանա-թուրքական զինակցության պարտությունը՝ կործանիւղ կալվերական Կերմանիայի և օսմանյան Թուրքիայի փլատակների մեջ ընկնելու կորսված և անձկալիորեն հետո հայրենի եզերքները: 1917 թ. Անդրանիկը Թոթովենցի միջոցով կապվում է Թիֆլիսի սոցիալական հյուպատոսի հետ՝ բանակցելով նրա տերության օգնությամբ հայ ջոկատներին թուրքերի դեմ կռիվ հանելու հնարավորության շուրջ: Ամերիկային հետադարձում էր, թե Անդրանիկը ինչպես է ընդունակ թեթևացնելու անգլիական բանակի գործողությունները Միջագետքում: «Այս հարցումին վրա Անդրանիկի աշխատանքները փայլեցին ուրախության ցլթերով, որովհետև իր անձնական նպատակն էր գործել առանձնապես Պիթիզի նահանգի ուղղությամբ գեղի հարավ», — գրում է Թոթովենցը³⁰: Բանակցությունները, սակայն, որևէ արդյունք չեն տալիս, Կերմանիայի անվտանգություն էր ցուցաբերել հայության ազատագրական պայքարի նկատմամբ և չէր խրախուսել ազգային զորամասերի կազմակերպումը Ռուսաստանի ծայրագավառներում: Այնուհետև վրա հասան նոր իրադարձություններ՝ Հոկտեմբերյան հեղափոխությունը Ռուսաստանում, ապա՝ սեյմի ստեղծումը: Անդրկովկասում Քաջապղեց կովկասյան ճակատը, պատերազմից հոգնած և հուսաբեկ զինվորները տուն էին շատալում: Այս պայմաններում Արևմտահայ խորհուրդը կոնֆերանս է գումարում՝ ռուսական զորքի լրիվ Արևմտյան Հայաստանի տարածքների պաշտպանության համար: Այդ նպատակով որոշվում է ստեղծել Հայաստանի Երկրապահ զորամաս՝ Անդրանիկի գլխավորությամբ: Թոթովենցը այս իրադրության մեջ ևս ցույց է տալիս, որ Անդրանիկը չի ցանկանում առնչվել, ուրեմն և կաշկանդվել որևէ կուսակցության դադարապահական ու գործնական նախասիրություններով: Ռ. Տեր-Մինասյանին, Վ. Փափազյանին և Սեպուհին, որոնք եկել էին աշնակցական բյուրոյի համաձայնությունը հայտնելու այդ նշանակմանը, նա պատասխանում է, որ ինքը կուսակցությունների հետ գործչունի և որ Արևմտահայ կոնֆերանսը իրեն արդեն նշանակել է Երկրապահ զորամասի հրամանատարը³¹:

Թոթովենցը համակողմանիորեն է ներկայացնում քաղաքական խառնակ գրությունը: Անդրկովկասում, Հայաստանում և հայ ժողովրդի վրա տիրող լուրջ միջոցառություններ՝ Ռուսահայ ազգային խորհուրդը, Հայաստանի ապահովության խորհուրդը, ռուսահայ կորպուսի հրամանատարությունը, Հայաստանի Երկրապահ զորամասի հրամանատարությունը, Հայաստանի կոմիտաբիտը, ազգային կուսակցությունները՝ իրենց մասնաճյուղերով և այլն, և այլն, բավականաչափ բազմաթիվ մարմիններ՝ մի բուռ ժողովրդի օրհասական դարձող միճակը կաբգավորելու համար: Իրարամերժ կողմնորոշումների ու գործողությունների այս լարիթմիկոսի մեջ գրողը խորաթափանց կերպով նկատում է խրական մտանդի ձևավորումը՝ աղբյուրաբանական ազգայնամոլեն-

29) «Հայաստան», Թիֆլիս, 16 սեպտեմբերի. 1917:

30) Ա. Մ ա Ր մ ս ր յ ա ն. Նշվ. աշխ., էջ 263:

31) Նույն տեղում, էջ 278:

ոն ռազմահայտորեն հակահայկական, հակառուսական անսպասելի գործողություններու: Ռուս բանակը հանգիպեցավ իր շտապածին: Չէր պատրաստվել հետևողական տարիներ բարյացակամ եղած էր անդրկովկասյան քաղաքներուն հանդեպ, չէր ակնկալեր, որ թաթարական զինված, կանոնավոր, մարզված ժողովուրդներ, վերջին պատերազմի հարմարություններով խրամատներ պատրաստեն Շամառի մեջ և իր գնացքը անցած ատեն կրակ բանան և կոտորեն հաջարներ», — գրում է նա³²:

Գրքում Թոթովենցը հանդամանորեն նկարագրում է Անդրանիկի՝ 1918 թ. փետրվարից մինչև 1919 թ. ապրիլ ժամանակաշրջանի դործունեության և արևելահայկական հեղափոխության նրա տողերի տակ վերակենդանանում են զորքերի եռանգուն և հուսահատական ջանքերը՝ կանխելու զորքի քայքայումը, դաժանություններն ու գասալքումները: Գրքում էր Անդրանիկի կազմակերպած ռազմական ատյանը Կարինում, սակայն ճակատի քայքայման դեմն առնելը արգելեց էլ շահողվեց: Հրաժարվում են կովկասյան հայկական Ա և Դ զորքերը: Զորավարի շրջապատի մարդկանց՝ Թորգոմին, Անպուհին, Բեթանբեկյան, Հ. Զամբուրին և այլոց Թոթովենցը բնութագրում է կենդանի դործողությունների մեջ: Իր նկարագրած անձանց հեղինակը ամենից առաջ գնահատում է հայրենասիրության շափանիշով, որի ամենարարձր կրողը գրքում Անդրանիկն է:

Կարինի անկման իրողությունից հետո Թոթովենցը համառոտ նկարագրում է Անդրանիկի գործամասի անցումը Նախիջևանից Խոյ, ապա Զուլֆա և Զանգեզուր, որտեղ էլ ավարտում է իր պատմությունը: Գիրքն ավարտվում է Անդրանիկին նվիրված հայտնի երգով՝ «Իրեկ արծիվ սավառնում ես լեռ ու ժայռ»:

Թոթովենցի «Զոր. Անդրանիկ և իր պատերազմները» գիրքը ունի պատմական լուրջ արժեք, ոչ քիչ դեպքերում՝ սկզբնաղբյուրի անգնահատելի նշանակություն: Սակայն հեղինակը հատորեն գործի է գրել նաև գեղարվեստական արահայաչաժիշոցներ: Անդրանիկը գրքում հանդես է գալիս բռնի շարունակ զարգացող բնավորություն՝ միջավայրի հեռուենցած իր փոխհարաբերություններով, իրականության ու նրա քաղաքական ընթացքի վերաբերյալ ինքնատիպ հայացքներով ու գաղափարներով: Ժողովրդական հեղափոխության մեծ տաղանդով, բնավորության ցայտուն դեերով, իր գեղարվեստական համոզիչ կերպավորումն է ստացել Թոթովենցի գրչի տակ: Դրանով էլ պայմանավորված է Թոթովենցի գրքի պատմագեղարվեստական անքնահատելի արժեքը:

ВААН ТОТОВЕНОЦ ОБ АНДРАНИКЕ

Доктор ист. наук А. А. ХАРАТЯН

Резюме

Книга известного армянского писателя Ваана Тотовенца (1889—1937 гг.) «Генерал Андраник и его войны» (Константинополь, 1920) посвящена жизни и деятельности народного героя. В годы первой мировой войны Тотовенц был боевым соратником Андраника, воевал в рядах добровольческих отрядов под его предводительством. Затем с мая 1917 по февраль 1918 г. в сотрудничестве с Андраником он редактировал газету «Айастан» («Армения»). Книга Тотовенца представляет собой огромную историко-художественную ценность. В дальнейшем она оказала большое влияние на литературу, посвященную Андранику. Выдающийся мастер армянской прозы В. Тотовенц в 1937 г. стал жертвой сталинского террора.

³² Նույն տեղում, էջ 279: